

JŊA 'A YO PJOSŬ TEXE YE TE'E NUYO KĂNRĂ A XESE NE XOŊIJOMU

PJŬRŬ

Panŭji kŭ mara mimiji na joo texe yo nt'e in dya ra chŭnji, numa so'o kŭ ra mamŭji kŭ ri chjekjoji texezgoji.

Panŭji kŭ ma dya ri pjechiji texto yo jŋa'a nuyo nrra pjosŭ ye nt'e, nudyama so'o kŭ ra potrŭji yo in Kjuarma; ngek'ua nesta nura mbaraji kŭ ye nt'e, ma sŭjŭ kja ne xoŋi jomŭ, na kjuana kŭ rambesi nura zi'i, ra so'o mamŭ nu in jŋa'a ŋeje ra eme nu K'inci angeze.

Panŭji kŭ nuyo jŋa'a yo pjosŭ ye nt'e ximi nesta ra k'uatrŭ kja xiskuama, ngek'ua dya ra chu'unji.

Panŭji kŭ nesta ra mimi na jo'o texto ye tr'ajŋiŋi.

Panŭji kŭ yo jŋiŋi ye jmurŭ kja nu tr'angumŭ a xoŋijomŭ, o dyŭsŭji ye jŋa'a kja naja xiskuama, jango mamŭ yo nrra pjosŭ yo nt'e ŋeje mamŭ kŭ yo b'ezo ŋe ye nrrixo chjetroji, kjana xits'iji kŭ ra mbox kŭji nura jokŭji jango ri mimiji nu padya.

Panŭji kŭ nuyo nrrajŋiŋi yo o jmurŭji kja nu tr'angumŭ kja xoŋijomŭ, ngek'ua ra mbosŭji texto yo b'ezhi ŋeje yo pjosŭ ye nt'e.

Panŭji kŭ nu k'inchijiyo nu pjosŭ yo b'ezo nrra na kjuana ngek'ua ra dyatrajiyo.

Nu jmunte nu tr'angumŭ mamŭ

Nu Jŋa'a yo Pjosŭ Texe ye Te'e nuyo KĂnră a xese ne Xoŋijomŭ ngeje k'uatrŭ kŭ yo jŋiŋi ra mimiji na jo'o, ngek'ua ye nt'e ŋeje yo ngumŭ nesta kŭ ra mbara yo, ga kja ba ra so'o ra jichi texto yo d'ieb'e panŭji, kŭ nuzgoji ri chjekjoji ra jandaji na jo'o yo in kjuarmaji yo na mimi yo naŋ'io e jŋiŋi.

PEZHE D'AJA (1)

Texe yo nt'e chjetrjoji, angezeji ximi xo'oji ŋeje k'inchiji, nesta ra ngara na jo'o k'o dyaja e nt'e.

PEZHE YEJE (2)

Texe yo nt'e chjejutrjoji nza kja ga mamŭ kja na Xiskuamana, zo yo dyaja b'ezo ri naŋ'io yo in nze'e, zo ri nrixo, zo ri naŋ'io nu in jŋa'a, o ye eme nu mizhokjimi, o yo dya yo pesi.

Ximi, dya so'o nu ra juantrjoji ye nt'e nuyo kja dadyo e ts'ibepji, o na mimi nu juemetrjo e jŋiŋi zo ri na nojo o ri ts'ik'etrjo.

PEZHE JŊI'I (3)

Texe yo b'ezo o nrrixo so'o ra ngara ŋeje ra nokŭ ximi ra mbosŭji.

PEZHE NZIYO (4)

Dyakjo soo ra yab'íji o ra zad'íji, nzakja ga xits'iji nu xiskuamana.

PEZHE TS'ITS'CHA (5)

Dyakjo soo ra dye'ejí, nudya yo dya nan jo'o.

PEZHE ÑANTO (6)

Texe yo nté'ę, jango nzhodí, dya so'o ra ngontr'íji kja pjoń.

PENZHE YENCHO (7)

Chjetroji texe kja xiskuama yo pjoxk'íji, texezgoji ra soo ra mboxk'íji nzakja ga xits'iji na kjuamana.

PEZHE JÑINCHO (8)

Texe b'ezo o nrrixo pesi yo mboste kja xiskuama, nujua jango ra ts'ap'íji yo oń, nzakja nu kjuama yo ri pesigoji ye Me'bonro.

PEZHE NZHINCHO (9)

Dya kjo soo ra z'ííji o ra ngontr'íji kja pjoń.

PEZHE D'YECH'A (10)

Texe b'ezo o nrrixo soo ra mbos'íji, k'í ga chjetroji jango ga dyátr'áp'íji nu jońña'a, nzakja na mam'í nu xiskuama, nu ximi nesta ra xor'í ye b'ota.

PEZHE D'YECH'A D'AJA (11)

Texe b'ezo o nrrixo so'o k'í ra mbos'íji ma jyas'íji k'í pjekjo o ts'a, ximi nesta ra jñanrra yo dyant_'ę jango ga pjendioji.

Dyz kjo soo ra jyás'íji nuyo dya o ts'a, ga kjaba mam'í yo jñagoji ñeje nuna xiskuamana. Ximi dya kjo pje nrri ra ts'ap'íji ma pjekjo o mbon'í.

PEZHE D'YECH'A YEJE (12)

Dya kjo soo pjekjo ra ma xipjiji kja in nzum'í, yo in nté'ę o jango na mimi nuyo nguechjene. Texe yo b'ezo o nrrizo soo ra mbos'íjima.

PEZHE D'YECH'A A JÑ'I (13)

Texe b'ezo o nrrixo soo k'í ra nzhodí o ra jyábá in ngum'í jango nee angeze.

Texe b'ezo o nrrixo soo k'í ra mbedye jango nee angeze, kja ra nzhog'í ma nee.

PEZHE D'YECH'A NZIYO (14)

Ma jod'íji, texe b'ezo o nrrixo soo k'í ra jyod'í kjo ra mbos'í, kja jñiñi jango ra nee.

Nudya nu mboxte, dya kjo soo ra nguatá, ma d'a nté'ë pjekjo o ts'a, ngeje nu mamá na ngumá xoñi jomá.

PEZHE D'YECH'A TS'ITS'CHA (15)

Texe b'ezo o nrrixo nesta d'a mejomá.

Dya kjo soo ká ra ngupáji nu mejomá nu o juaná, o ra nee ra mbotápá.

PEZHE D'YECH'A ÑANTO (16)

Ya b'ezo ñeje ye nrrixo, ma a ma te'ëji, soo k'u ra chjuntáji in dya kjo so ra mamá ká iyo, ga kjabá ra mbesiji yo neeji, zo ra nguatá nu chjuntá.

Ngetrjo ma ra nee yo tr'ii nuyo ra chjuntá soo ká ra ts'ajima.

Nu chjuntá ngeje nu nrra pjosá nuyo jñiñi ngek'ua nesta ká xira mbosájidayayo.

PEZHE D'YECH'A YENCHO (17)

Texe b'ezo o nrrixo soo ká ra mbes'i na ts'ik'e jomá o na punkjá.

Dya kjo soo ra nrrenbiji in jomá.

PEZHE D'YECH'A JÑINCHO (18)

Texe b'ezo o nrrixo soo ká ra ngichi yo ra nee, ká ra ma kja nits'imi nu ra juajná; ximi soo ká ra potá nu in nits'imi o mizhokjimi, zo ri d'ats'e o ri kjuleji, pa ra jichiji, ra ts'aji ñeje ra jandaji.

PEZHE D'YECH'A NZHINCHO (19)

Texe b'ezo o nrrixo soo ká mamá yo k'inchi, nudyanu ximi pjosá ngek'ua dya kjo pje ra xipji ma ra mamá nuyo ngichi angeze nujua jango ra nee.

PEZHE DYOTE (20)

Texe b'ezo o nrrixo soo ká ra jumá ko yo dyaja e nté'ë.

Dya kjo soo ká ra nrrutrá kja yo jmurá.

PEZHE DYOTE D'AJA (21)

Texe b'ezo o nrxo soo ká ra juajná nuyo in xota kja in jñiñi, ra ts'ase o ra o kjokjo ra nrrágá.

Texe b'ezo o nrrixo soo ká ximi ra juanjá angeze ngek'ua ra ts'a e sota kja in jñiñi.

Nunu ra mamá nu jñiñi ngejedyanu na kjuaná, ngek'ua ga kjabá ma ra juanjá yo jmu, soo nu ra tsaji jango ga neeji angezeji.

PEZHE DUOTE YEJE (22)

Texe b'ezo o nrrixo nujua na mimi kja d'a jñiñi soo k'á ra mimi na jo'o, ga kjaba nu jñiñi jango o te'e, ximi nesta nu ra mbos'á angeze ngek'ua dya kjo ra chunb'i ximi nesta ra unu b'epji, in ra jyáá e ngum'á jango ra ma eñe.

PEZHE DYOTE JÑI (23)

Texe b'ezo o nrrixo soo k'á ra pepji, ximi soo nu ra juajn'á jango nee k'á ra pepji ngek'ua ra nrro na jo'o.

Texe b'ezo o nrrixo, dya nesta ra juan'áji, ngek'ua ra ngontr'áji yo merio.

Texe b'ezo o nrrixo yo pepji, nesta ra nrroji na jo'o, ga kjaba ra so'o ra un'á k'á ra zi'i yo in t'e'e, ximi ra mbos'á nu i jñiñi ma ra b'ezhi.

Texe b'ezo o nrrixo soo k'á ra jmu'áji jango na pepji ngek'ua ra pjendio yo nrra pjos'áji.

PEZHE DYOTE NZIYO (24)

Texe b'ezo o nrrixo soo k'á ra soya, in ra ts'a nu ra nee, ximi ra pezheji yo zún'á ma pepji kjana ra ngontr'áji ma ra soya.

PEZHE DYOTE TS'ITS'CHA (25)

Texe b'ezo o nrrixo soo k'á ra mimi na jo'o, nu nrra ra mbos'á yo in t'e'e, nu nesta ra dyátr'á, nu ra ñoñ'áji, nu ra jye'e b'ito, nu in ngum'á ñeje texto yo nrra b'ezhi; ximi soo k'á ra mbos'áji ma dya ri pepji, ma ri sodye, ma pjekjo ri so'o, ma ri d'ase, ma a ri pale o ma otrjo k'á ri ju'u pa ra mimi.

Nuyo nana ñeje yo ts'itr'i ngeje yo nrra nesta k'á ra pjos'áji. Texto yo kja ts'ilele nuyo sii in tara o iyo, ximi chjetrjoji kja yo dyaja.

PEZHE DYOTE ÑANTO (26)

Texe b'ezo o nrrixo soo k'á ra xor'á. Nu xor'á dya ra ngontr'ujinu ma ngeje k'á kja pjá'ájitrjo. Nu xor'á ne pjá'á ngeje nu na kjuana. Kjana yo dyaja ye a nojoji ri ts'a texeyoji; ma ra neji ra nguar'áji nu xonpute o dyate ra chjetrjoji kja textoji ma a nrroji.

Nu xor'á ngeje nu kja n'á texe yo nte'e ra jonteji ximi kja k'u ra mimi na jo'o nza kja kjuarmaji; ra ts'a nu k'inchí ñeje k'á dya ra chu'u yo jñiñi ñeje ra mimi na jo'o yo t'e'e ye jñatrjoji ximi ra pjo'á yo kja nu ngum'á yo pjos'á texe ye jñiñi yo k'ánk'á a xese nu xoñijom'á.

Nuyo tara soo k'á ra juajn'á pjembe yo xor'á yo ra jichiji yo in chi'i.

PEZHE DYOTE YENCHO (27)

Texe b'ezo o nrrixo soo k'á ra juajn'á yo nrra mam'á k'á ra mbos'á k'á ra mbara nuyo b'á'áji kja jñiñi, ga kjaba na kjuana k'á ran teji.

Texe b'ezo o nrrixo soo k'á ra nrro merio o ra mbaraji ma dyopj'á e b'epji, nu dyopj'á angeze.

PEZHE DYOTE JÑINCHO (28)

Texe b'ezo o nrrixo soo k'á ra mamú jango nee k'á ra mimi kja in jñiñi o kja xoñijomú nzakja ga mamú kja na xiskuamana.

PEZHE DYOTE NZHINCHO (29)

Texe b'ezo o nrrixo panú k'á nu in jñiñi ngeje nu nrra nesta ngek'ua ra mbesi yo nesta.

Nu nra nestaji nge k'á ra kjaji yomasi ri neeji, texe e nté'e nesta k'á ra ts'a yo mamú nu skuama ga kjanu ra mbarú ja ga mimi in jango ga ne'e yo in dyojui ñeje ga jñanrú na jo'o texto yo járá a xes'e nu xoñi jomú.

Nudyayo nrra pjosú ye nté'e dya soo, k'á ra kjaji ma dya ri panúji nu mamú nu ngumú nu pjosú ye nté'e yo kánrú a xese nu xoñi jomú.

PEZHE JÑITE (30)

Nu xiskuamana so'o k'á ra ts'a texto yo jñiñi yo járá a xese nu xoñijomú o ye nté'e, ngek'ua ra soo ra ts'aji ye ts'ibepji nu ra mbosú texe ye té'e nza kja ga mamú na xiskuamana.